

PRELUDIO/ PANNAKASINDI TI KANDELA (CWA)

KANKANTA ITI PANAGSAGANA Lord I lift your name on High, Make me a Servant

• Lord I lift Your name on high Lord I love to sing Your praises

I'm so glad Your in my life, I'm so glad You came to save us

You came from heaven to earth, To show the way

From the earth to the cross, My debt to pay

From the cross to the grave From the grave to the sky

***AYAB TI PANAGDAYDAYAW**

M: Umaykayo! Dayawentato ti Dios a nangparsua kadatayo ken amin a nakaparsuaan. Saan nga agpatingga ti ayatna, patalgedanna ti sagut ti biag

K: *Dayawendaka o Dios ti biag!*

M: Umaykayo! Lagipenyo ti aramid iti panangisalakan ti Dios babaen ken Jesu-Cristo! Babaen iti naganna naawagantayo amin nga annak ti Dios, babaen iti mision ken panagsaksina, isut' panagdawantayo iti kolektibo a panagmision ken panagsaksi iti daytoy a lubong.

K: *Agyamankami, o Jesu Cristo iti misionmo iti hustisia, talna ken rekonsiliasion isu a nakaayabanmi nga ikararag ken aramid*

M: Umaykayo! Rambakantayo ti makatulong a presensia ti Espirito Santo a babaen iti bileg ken inspirasionna, ti Fellowship of the Least Coin ket naipasngay.

K: *Rambakantayo ti bileg ti Espirito Santo a mamagkaykaysa kadatayo iti Fellowship of the Least Coin para iti kappia ken hustisia iti sangalubongan.*

+IMNO ITI PANAGDAYAW: DAYAWEM CARARUAK (O Bless the Lord My Soul)

Dayawem, kararuak! Ti Dios a Nasantoan,

Dayawem a di agresat, Ti Dios a naayat.

Kararuak lagipem; Isut' Dios di bumdeng,

Dayawem a di mamingga, Ti Dios a Namarsua.

Isut' mamakawan, Basbasol a naruay

Saksakit inna agasan, Pigma ikkannatay.

Balang'tannat' ayat, Ti biag a naispal;

Isu la ti pagkamangan, Ta isut' kabilgan.

+IMBOKASION

KABLAAW/ PAKASEKNAN TI IGLESIA Pastor (P)

AYAB ITI PANAGBABAWI (Ikanta) **INKA KEN CRISTO, DIKA AGTAKTAK**

(Come to the Saviour)

Inka ken Cristo, dika agtaktak, Ta isu adda dita arpad,

Awisennaka a siaayat, kunana, "umayka."

KORO: *O, amangan a nagsam-itda, Timekna a pangayab kenka, Dika bumdeng mapankan ita, Ur-urayennaka.*

Naulimek a panagakararag ken panagbabawi (amin)

PAMMATALGED TI PANNAKAPAWAN Pastor

PANNAKAIBASA TI TEKSTO **Taga Filipos 2:1-13**

-Sungbat ti Gimong: *Thy word is a lamp unto my feet and a light unto my path (2X)*

MENSAHE BABAEN TI KANTA

MENSAHE BABABAEN ITI SAO Rev. Marjorie S. Belmonte,
NWLC UCWO President

KARARAG DAGITI TAO

Boses 1: Dios iti hustisia ken talna imbagam nga idawdawatanmi dagiti amin a tao. Ipaaymi kenka dagiti kararagmi para iti kinaranggas ken makapasair a lubong, agtalekkami iti naindaklan nga ayatmo.

Ikararagtayo ti Iglesia (agulimek)

Boses 2: Dios iti kinapudno, iti lubong nga agsapsapul iti kinatalged babaen iti panagipasdek kadagiti bakud, armas, sapay kadi ta ti Iglesiam iwaragawagna ti alternatibo a sirmata iti talna, nga aggapu manipud iti hustisia ken pannakaikaykaysa.

Kongregasion: *Denggem ti kararagmi o Dios iti kinapudno.*

Boses 3: Ikararagtayo ti sangalubongan (panagulimek). Dios iti kinasirib, ikararagmi kenka dagiti mangidaldalan iti pagilian ken dagiti politisians iti aglawlaw, sapay kadi ta maidalanda a mangiwanwan iti pagrebbengan ti gobierno nga addaan iti kinapudno ken panagpapatas, birukenda ti napigsa a timek para iti talna ken pudno a nataoan a seguridad

Kongregasion: *O Dios iti kinasirib, denggem kadi ti kararagmi.*

Boses 3: Ikararagtayo ti pandemia a sasaadentayo (panagulimek)

O Dios iti salun-at ken kasapulan. Agkaykaysakami a mangikararag iti pannakapaksiat ti COVID 19; Patibkirem ti tunggal maysa tapno malasatanmi daytoy. Liwliwaem dagiti agladingit gapu iti pannakapukaw dagiti ay-ayatenda iti biag a saanda man lang a nakita; kadagiti nasugatan a puso agsipud ta saan a naipeksa dagiti panagladingit kasta met iti pannakaiyadayo kadagiti pamilia gapu kadagiti nainget nga health protocols; kadagiti frontliners isu a mangisebsebba a kanayon iti biagda gapu iti panagerbi kadagiti tattao; kadagiti scientist isu nga agbirbirok iti vaccine daytoy a virus. Saanmi a Makita daytoy a kalaban ngem agyamankami ta saan a milinged daytoy kenka.

Kongregasion: *O Dios iti salun-at, denggem ti kararagmi.*

Boses 3: Dios iti asi, ikararagmi dagiti lumaslasat iti kinaranggas(panagulimek)

Dios iti hustisia, para kadagiti maidaddadanes nga umili iti pannakapukaw dagiti dagada ken dagiti nalabsing ti karbenganda. Ipaaymo kadi ti namnama ken pannakaagas, ti nainkalintegana a talna

Kongregasion: O Dios iti asi, denggem ti kararagmi.

Boses 4: Ikararagmi dagiti naawanan iti trabaho, pagtaengan,; dagiti babbai a nalabsing dagiti karbenganda, dagiti migrante a napaidaman iti baro nga oprotunidad, dagiti mannalon, agkalkalap, adda iti paktoria ken dadduma pay. Ikararagmi iti wayawaya manipud iti buteng ken pannakasungbat dagiti kararagda.

Boses 5: Idatontayo dagiti FLC Contributions a mangsuporta kadagiti aramid dagiti babbai para iti hustisia, talna ken rekonsiliasion iti entero a lubong. Dagitoy a least coins ket simbolo iti pammakawan, ayat ken panangisakit iti tunggal mayasa (pangulimek)

AMIN: Managayat a Dios, idatagmi kenka dagiti biagmi para iti nasantoan a presensiam tapno agyamankami iti biag a paraburmo. Agyamankami iti least coin isu a mamagsinggalot kadakami iti ayat, pammakawan iti sangalubongan. Wayawayaannakami iti aniaman a panagduadua, pannakadadael. Tulongannakami nga agbiag nga agsinnakit ket maadalmi a kanayon ti rag-o ti pannangted ken panangawat. Awatem kadi dagitoy a least coin isu a tanda ti ayat. Sapay kadi ta sipapanunotkami kadagiti milagro a maaramidan dagitoy least coin. Sapay kadi ta padayawanmi ti nakaparsuaan nga addaan ayat a kas impakita ti panangungar ni Apomi nga Jesu-Cristo. Amen.

AYAB ITI PANANGTED M: Dagiti Aramid 20:30

PANANGIPAAY ITI SAGSAGUT/PAGYAMAN/ APAGKAPULLO/KARKARI ITI DIOS:

+ DOKSOLOHIA/ KARARAG TI PAGYAMAN (Mainayon a maidaton dagiti Least coins)
HIMNO ITI PANAGKAYKAYSA "Ti Timpuyogtayo"

1. Ti timpuyogtayo ayat ti Cristiano. Tunos ti nakemtayo kas met sadi ngato
2. Iti sangot' Ama, agdayawtay ita,
Iti panggep ken namnama maymaysatay koma
3. Kaasit' maited. Bang-ar iti awit.
No mapagteng ti ladingit, Lua kkomat' tumedted
4. Masinatay ita liday masagaba . Ngem urayentay la koma ti panagkaykaysa
5. Daytoy a namnama pusot' parag-oenna
Ta umay nga awan duadua ragsak di mamingga.
6. Liday, bannog rigat, ken absol maikkat
Timpuyogto la ken ayat isut' maisukat.

KARARAG ITI KOMITMENT KEN PANNAKALIDALAN/PAMENDISION (P)/3 AMEN

POSLUDIO/RESES IONAL

PAKAAMMO: October 4- World Communion & CYAF Sunday



**United Church of Christ in the Philippines
NORTH LUZON JURISDICTION**

Subtheme: (2020-2021): *"Panangidanon ti Naimbag a Damag kadagiti mailanglangi kadagitoy Agbaliwbaliw a Panawen"*


CHRISTIAN EDUCATION MONTH

URNOS TI PANAGDAYAW ITI DIOS

ITI FELLOWSHIP OF THE LEAST COIN KEN

MAIKA-INNEM A DOMINGO KALPASAN TI PANAWEN TI APO

Setiembre 27, 2020



FELLOWSHIP OF THE LEAST COIN

The Fellowship of the Least Coin (FLC) is a worldwide ecumenical movement of prayer for peace, justice and reconciliation. Through this movement, Christian women around the world seek fellowship with each other and are reminded to live a reconciling and forgiving life with others. Though 'least coins' are given with each prayer, it is not a fundraising project, but a movement of prayer without any discrimination of race, colour, culture or denomination. It enables all, whether rich or poor, educated or illiterate, in urban or rural areas, to participate in the offering of their 'least coin', with prayer, thus providing 'gifts of love' to be given for projects all over the world. These coins are sent regularly to that country's FLC collection point, where it is forwarded to the FLC Fund. The amount collected by each country is never publicized; only the total sum collected each year is announced. It is important that only the 'least coin' of each currency be set aside so that even the poorest women of each country can be a part of this fellowship of love and care.

